

den EU-Pfefferkär



Luucht an déi däischer Kummer!



Gitt
Member an
der ADR

Aus AECR gëtt ACRE

Zanter 2010 ass d'ADR Member an enger Allianz vun europäesche Parteien, déi iwwert d'Europäesch Unioun eraus och Parteien aus dem Europarat verbënnt. Well et sech méi liicht ausschwätze léisst, ass kierzlech den Numm vun der Allianz op ACRE (Alliance of Conservatives and Reformists in Europe) ofgeännert ginn.

Eng grouss Famill

„Eis politesch Famill ass gewuess an esou zu enger regelrechter Kraaft an der Europäescher Politik ginn“, hält den ACRE-Präsident Jan Zahradil fest. D'Allianz besteet aus 24 Parteien. D'Ziler sinn an der Deklaratioun vu Reykjavik festgehalten. Et geet do ëm d'Verdeedegung vu perséinleche Fräiheeten, vun der nationaler Souveränitéit, vun der parlamentarescher Demokratie an dem Rechtsstaat.

The ACRE is recognised and partially funded by the European Parliament. The views expressed in this publication do not necessarily reflect those of the European Parliament. The European Parliament cannot be held liable.

D'Europäesch Unioun wackelt, an dat net nëmme well d'Britten iwwer Referendum entscheet hunn, d'Gemeinschaft ze verlossen. Och am Osten, an de Länner, déi laang hu missten no der Päif vu Moskau danzen, huet d'Loscht, de Kommandoe vu Bréissel ze follegen, staark ofgehall. Dëst och, well am Dossier Flüchtlingen, ënnert Lëtzebuerger Presidence an ënnert dem Drock vum Bausseminister Jean Asselborn, dese Länner den Aarm gebéit ginn ass. Et war falsch, eng Decisioun, Majoritéit géint Opposition, ze forcéieren, amplaz wéi üblech am Konsens ze entscheeden.

Fir et kloer an däitlech ze soen: D'ADR ass sech bewosst, dass Lëtzebuerg Europa brauch, dass d'Unioun eisem Land vill Virdeeler (awer net nëmme) bréngt an dass eist kléngt Land sech haut keng eege Währung ka leeschten. Et ass awer falsch, d'ADR als Euroskeptiker ze bezeichnen. Richteg ass, dass d'ADR d'Entwécklungen an der Europäescher Unioun mat dem néidegem Realismus betruecht, a grad dowéinst verlaangt, nees op d'Grondwäerter vun der Gemeinschaft zeréck ze kommen, esou wéi se viru bal 60 Joer vun de „Pappe vun Europa“ festgeluecht goufen.

D'ADR ass fir en Europa vun den Natiounen, an deem d'Souveränitéit vun all Land respektéiert gëtt, a géint de Federalstaat, wou nach just d'Majoritéit – wéi déi dann och ëmmer definéiert ass – eppes ze soen huet. D'Europäesch Unioun gouf als Wirtschaftsunioun gebuer, d'Gemeinschaft vu Kuel a Stol. Ouni d'Bierger ze froen (a wann,



da sinn d'Resultater vun de Referendumen dacks net respektéiert ginn), hunn d'Politiker Europa ëmmer méi Kompetenzen a souverän Rechter iwwerdroen.

Wéi sot e Lëtzebuerger Politiker, deen et bis un d'Spëtzt vun den Europäeschen Institutiounen gepackt huet: „Ich habe noch keine dunklere Dunkelkammer gesehen“ (zum Konvent, Juni 2003). Leider ass och mam Jean-Claude Juncker net méi Luucht an déi däischer Kummer era komm! Muss ee sech da wonneren, wann d'Vertrauen an déi Europäesch Institutiounen verluer geet, esou guer dann, wann Europa Positives am Déngscht vum Bierger mécht.

Decisiounen vu Parlamenten aus Memberstaaten, déi aus legitimen a fräie Walen ervir komm sinn, gi vu Bréissel (a vum

Här Asselborn) a Fro gestallt. D'Verhandlungen mam neie „Sultan“ vun Ankara ginn awer monter weider gefouert! D'ADR fuerdert, och fir d'Idie vum vereenegten Europa héich ze halen, dass ee vir allemol kloer gemaach gëtt, dass d'Tierkei net an d'Unioun gehéiert. D'ADR ënnerscheift dem Europa vun haut kee Blankocheck, a wëllt em net fir ëmmer nei Rechter iwwerdroen.

D'ADR steet fir e realistesch Europa, dass d'Zoustëmmung vu senger Bierger huet: eng Unioun, déi hir baussecht Grenze schützt, fir déi bannescht Grenzen opzeloosen; eng Wirtschaftsunioun, déi de Chômage an déi sozial Ausgrenzung wirksam bekämpft, an eng Gemeinschaft, déi sech och hierer Verantwortung fir d'Sécherheet bewosst ass.